

Silap pissusianut avatangiisinullu politikki

Ilisaritsineq siunertarlu

Royal Arctic Linep silap pissusianut avatangiisinullu sunniuteqarnerminik annikillisaanissaminut aammalu silap pissusiata allanngornerata kingunerisaanik aarlerinaateqarsinnaasunut naleqqussarnissaminut akisussaaffeqarnini akueraa. Ingerlatseqatigiiffik politikki manna aqquutigalugu naleqarnerulersitsisuni tamani silap pissusianut avatangiisinullu sunniutit pingaarutillit ingerlaavartumik aqunnissaannut annikillissarnissaannullu aamma aarlerinaateqarsinnaasunut silap pissusianut atassuteqartunut akiuussinnaassuseqarnermi nukittorsarnissaanut pisussaaffilerpoq. Politikki suliffeqarfissuup silap pissusianut avatangiisinullu tunngasunik suliaqarneranut pingaarnertut sinaakkusersuivoq.

Aqutsisut akisussaaffeqarnerat nakkutiginninnerlu

Silap pissusianut avatangiisinullu politikkip periusissiatigut pingaarnertut siunnerfilerneqarnissaa ingerlatseqatigiiffiup siulersuisuinit akisussaaffiqeqarpoq. Atulersitsinissamut, malitseqartitsinissamut ineriartortitseqqinnissamullu ingerlatsinikkut akisussaaffik pisortaqatigiinniippoq. Politikkip ingerlatsinermi suliaqarfinni naleqquttuni tigussaasunik iliuusinnngortinneqarnissaa, siuariartornerillu piujuartitsineq pillugu ataatsimoortumik aqutsinermut ataqatigiissillugu aqqqissuussaasumik nakkutigineqarnissaat pisortaqatigiinnit qulakkeerneqassaaq. Siuariartornerit angusallu ingerlatseqatigiiffiup ukiumoortumik nalunaarusiaatigut ingerlaavartumik nalunaarusiarineqartassapput.

Silap pissusianut avatangiisinullu suliniuteqarfigisagut

Silap pissusiata allannguutaanut pinaveersaartitsinerit

Royal Arctic Linep nammineq ingerlataminit, tassunga ilanngullugu umiarsuarmit nukissamillu atuinermit, aammalu suleqatigisartakkanit pisiortorfigisartakkaniillu aalajangersimasunit, CO₂-mik aniatitsinerit annikillissarnissaat siunnerfilimmik sulissutigaa. Teknologit ingerlatsinerlu avatangiisinut piumasaqaatinut atuuttunut atuutilersussanullu naapertuuttumik ingerlaavartumik naleqqussarneqartarput annikinnerusumik aniatitsisarnissaq siunertaralugu.

Silap pissusiata allanngornerinut naleqqussarneq

Silap pissusianut atassuteqartumik aarlerinaateqarsinnaasut periarfissallu ingerlatsinermut periusissiamut aamma aarlerinaateqarsinnaasunik aqutsinermut aqqqissuussinernut ilanngunneqassapput. Tamatumunnga ilaapput aarlerinaateqarsinnaasut tigussaasut aamma inatsisitsigut piumasaqaatit, aningaasalersuineri atugassarititaasut niuerfimmullu naatsorsuutigisat allannguuteqarnerinut atassuteqartut.

Nukissiamik atorluaaneq nukissiutillu ataavartut atornerinik annertusaaneq

Umiarsuarni, umiarsualivinni atortulersuutini nunamilu atortuni nukissiamik atuinerup pitsanngorsarnissaanut periarfissat suussusernissaat ingerlatseqatigiiffiup siunnerfilimmik sulissutigaa. Nukissiutinik ataavartunik atuinissamut periarfissat ingerlaavartumik nalilersorneqartarput, tamatumunnga ilanngullugit nunami atortunut innaallagialu mingutsitsinngitsoq umiarsuarnullu ikummatissat allaanerusut, teknikkikkut aningaasatigullu tamanna pisinnaatillugu.

Avatangiisinik mingutsitsinerup killilerneqarnissaa

Naleqalersitsisuni tamani silaannarmik imaanillu mingutsitsinerup pinaveersaartinnissaa killilerneqarnissaalu pimoorussamik sulissutigineqarpoq. Aallutaqarfiusut tassaapput umiarsuit SOx-imik aamma NOx-imik aniatitsisarnerat aammalu saliivinnit imaanut aniatitsisoqarsinnaanera. Suliniutigineqartunut ilaapput teknikkikkut aaqqiissutissat avatangiisinullu inatsisiliornermut ingerlaavartumik naleqqussarneq.

Akoortissat atortussiallu ajornartorsiutitalit

Namineq ingerlatani aamma pisiortorfigisartakkanik suleqateqarnermi akoortissanik avatangiisinut ajoqusiisinnaasunik immikkullu ajornartorsiutitalinnik atuneq annikillisarnerneqassaaq. Atuiunnaariartornissaq allanillu taarsernissaat sallutinneqassaaq, pingaartumik atuneq ingerlatsinermut pingaarutilimmik attuumassuteqanngitsutut nalilerneqarpat.

Pinaveersaartitsineq aarlerinaateqarsinnaasunillu aqutsineq

Silap pissusianut avatangiisinullu atassuteqartumik pitsaanngitsumik sunniutit annertuut pinaveersaartinneqarnerat aarlerinaatilinnik aqutsinermut siunnerfilimmik aaqqiissuulluakkamillu pullaveqarnikkut ingerlanneqarpoq. Ingerlatseqatigiiffiup namminermit ingerlatamini naleqarnerulersitsisunilu aarlerinaatilinnik periarfissanillu ingerlaavartumik suussusiliinissamut, nalilersuinissamut suliarinninnissamullu suliffeqarfiup iluani aarlerinaatilinnik aqutsinermut sakkussat misissueqqissaarnerillu atortarpai.

Sulineq sunniivigeqatigiinnermik naliliinermit suliniuteqarfissanut iliusissanullu pingaarnersiunermit toqqammaviusumi inissisimatinneqarpoq. Suliffeqarfiup avatangiisiminut sunniutaanik aamma avatangiisit suliffeqarfimmut sunniutaannik naliliineq aqqutigalugu aalajangiiniarnermit toqqammavissamik tamakkiisumik isiginnittumik pissutsinilu, paasissutissani piumasaqaatinilu allannguuteqarnera ilutigalugu ingerlaavartumik naleqqussarneqartumik qulakkeerinnittoqassaaq.

Avatangiisinik mianerinninneq

Avatangiisinik mianerinninnissaq ingerlatseqatigiiffiup ingerlatsineranut tamarmiusumut

ataqatigiissinneqarluni ilaavoq aammalu pisiortorfigisartakkani, peqatigisani najukkamilu inuiaqatigiit oqaloqatigalugit suleqatigalugillu ingerlanneqarluni. Royal Arctic Linep avatangiisinut tunngatillugu akisussaassusilimmik suleriaaseqarnissaq anguniagaraa inuiaqatigiinni naatsorsuutigineqartunut killilersuinikkullu piumasaqaatinut nutaanut ingerlaavartumik naleqqussarnissani piareersimaffigalugu.

Atsiornerit

Ulloq:

Siulersuisunut siulittaasq

Pisortaaneq

Oqaaseqaatit/nassuiaanerit/itisiliinerit

Politikki manna ukiumut ataasiarlugu kvartalimi siullermi misissoqqinneqarlunilu nutarterneqartassaaq.